

ANIMADVERSIONES PHILOLOGICÆ,

QUAS

IN EXERCITATIONEM STIPENDIARIORUM
AD UNIVERSITATEM IMPERIALEM ABOENSEM
CONSENTIENTE Max. VENER. FACULT. THEOLOG.

EXHIBET

JACOBUS BONSDORFF,
*S. S. Theolog. Doct. & Professor, Stipendiariorum h. t.
Inspector.*

RESPONDENTE

GABRIELE BORG,
Stipend. Publ. Ostrobothn.

In Auditorio Philosoph. die XII Decemb. MDCCXXI.

horis a. m. solitis.

ABOÆ,
ex Officina Typographica FRENCKELLIANA.

8.

§. 1. **U**t nulla exstitit gens, quæ suo non uteretur sermo-
ne in cogitationis suis ac sensis explicandis & cum
aliis communicandis, quandoquidem vitæ quotidianæ & socie-
tatis cuiusdemcumcunque id secum tulit ratio; ita nec ulla
ad cultum quandam feliciorem adspiravit unquam, sive antiqui-
oris sive senioris ævi, gens, quæ susque deque haberet, quo-
modo seam tractaret, excoletet perficeretque linguam, non
popularium tantum in usum, verum etiam aliorum in gratiam
populorum, ætate, loco ingenioque vel maxime disitorum ac
abhorrentium. Hinc egregia enasci ingenia, classicos emine-
re, in rebus humanis pariter atque Divinis illustrandis occu-
patos, Auctores, excellentia prodire scripta, præcepta, carmina,
quovis digna scrutinio; hinc certantium inter se choros ad
perpoliendum ævi sui gustum ac habitum confluere impigroque
fudare labore; hinc denique Thesauris linguarum condendis
conditisque in ultum quovis modo vertendis intentos fuisse e-
ruditos cernimus.

§. 2. Quid vero lingua, latissimo suo considerata comple-
xu, refert, nisi thesaurum idearum, rerum, sensuum, imaginum ac
pulchritudinum, quas qui affecitus fuerit & in succum sanguinemque
contulerit suum, non poterit non veri, pulcrique sibi
familiarem reddere gulum, sine quo nulla proficia erit meditatio, nullum proferet fructum lectio, nihilque habebit vita
humana, quo nutriatur, excelsum. Quod si ergo cultiorum
gentium, Helladis præprimis & Latii, excellentissima in eis
rebus ac partibus, quæ humanum sapiunt & exornant ingenium,
versare atque ad imitationem sistere voluerimus scripta,
Thesauros istarum linguarum consulere opus esse, quis est qui
ignorat? Quanto magis ad adyta sacratoris scientiae pene-
trantibus, necesse erit Commentarios Thesaurosque adire Divi-
norum oraculorum linguaeque, quæ non omnino internam su-
am

am propter naturam, sed sublimiorem ob materiem & revelationis dignitatem, Sancta appellari suevit.

§. 3. Ut autem ad linguam Hebræam, qua Codex Sacer Veteris Fœderis concinnatus est, proprius accedamus commendandam, Thesaurum illius, seu, quod idem est, Lexicon aedundum esse omnibus religionem Divam ex fonte suo haurire cupientibus, vel testatissima loquitur omnium temporum indigentia & experientia. Neque nos antiquorum fatigari nescia defraudabimus unquam laude sua molimina, quum certum sit, jam inde a Patrum Ecclesiasticorum ævo, maxime vero a Reformationis Seculo optimos inclaruisse Interpretes Lexicographosque, qui linguam hancce ad veritatem, nitorem vimque suam revocare suoque modo restituere allaborarunt. *Kimchium*, *Buxtorfium*, *Coccejum*, *Stockium*, ceteros haud sine summa veneratione nominamus. Interim tamen, ut dies dierum docet, ita Recentioris ævi indefesso studio factum est, ut longe politiori ac stabiliori forma prodiret hujus Linguae Thesaurus, quam antea, multumque lucis ex universo apparatu linguarum cognatarum fœneraretur Hebræa. Facem nempe præferente summo *Schultenio*, nec frustra desudantibus viris ingeniosissimis *I. D. Michaelis*, *Eichhornio*, *Schultz*, *Gesenio*, qua fieri potuerit sollertia & sagacitate, accuratius jam eruitur ac constituitur genius linguae, non uno de nomine laudandæ. In diversa autem sœpius divergere probatisimos hos Lexicographos, nec eundem sequi ordinem, sive etymologiam & originem, sive significationum naturam spectes, nemo vel levissime his innutritus studiis dubitabit. Cave igitur imperitus credas, difficillimo hocce in negotio omnem, jam motum esse lapidem, nec causam subesse, cur ulteriori examine in genium hujus linguae rimandum descendamus. Nonnihil tantum de ordine Lexici perscribendi observabimus.

§. 4. Fuit quippe in eruditis linguis, non excepta Hebræa, longo tempore intervallo adoptata methodus Etymologica,

logica, qua vocabula quævis ad suam radicem relata ordine quodam systematico, aut si dicere fas est, genealogico proponerentur; Quam vero methodum deseruerunt recentiores haud pauci, vernacularum linguarum secuti Lexicographiam. Neque nos hunc morem in hodiernis, occidentalibus, linguis prævalentem taxamus, ut potius necessarium judicamus, quum tanta sit hominum vulgarium etiamque cultiorum, sed ex illiterata classe, ingenii varietas, tanta saepius inertia, ut philosophicum vix sustineant sibi praescribi rigorem, maxime vero in elementaribus linguæ rudimentis atque initis, temporis aliquantum in excogitandis radicibus vocabulorum consumi cœfiant. Sint autem hæc utcunque dijudicata. Antiquarum saltem linguarum, quæ Eruditis omnium gentium adsvetæ ac familiares fuerunt eruntque, eum jure supponimus servandum habitum, qui genesin ipsius linguæ optime exprimere, & systematico modo verborum familias discernere, disponere, cunctaque in ordinem redigere valeat. Præterquam enim quod hæc radicalium & derivatorum verborum justa distinctio & ordinatio a prime inferiat condendæ cuidam philosophiae gentis ejusque cultus, quem harmonice cum sermone contpirare, in eundem influere, atque cum eodem immutari constat, haud aliter ac in historia origines rerum eventuumque a primis suis causis rite enodari solent; ea quoque summa profluit utilitas ex etymologia, in linguæ compagm struendam adhibita, ut memoriae sublevandæ insigne sit adminiculum, eoque ipso faciliorem multo, tironibus saltem, parare possit aditum ad linguam addiscendam, quam si disjecta fuerint membra universæ linguæ. Radice nempe vocabulorum cognita, cito cognoscuntur ejus derivata, hisque inter se comparatis ac velut uno oculorum intuitu recensitis, tota dignoscitur familia. Immo multum adjumenti, in exegetico negotio hinc derivari, res ipsa & interpretum usus testatur.